



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ**

Ո Ր Ո Շ ՈՒ Մ N_248

Տուգանք նշանակելու մասին

22.06.2022թ.

ք. Երևան

Քննելով տեսչական մարմնի կողմից 2022թ. մայիսի 12-ի N 311-Ա հրամանով

«ՌՈՐԻԴՎԵՅ» ՍՊԸ-ում /ՀՎՀՀ՝ 00114824/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 311-Ա կազմված 13.06.2022թ., խախտումների մասին 20.05.2022թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն իրականացնում է հեղուկ գազի մանրածախ վաճառք ք. Երևան Արցախի 23 հասցեում:

Ստուգումն իրականացվել է «Որպես վառելիք օգտագործելու դեպքում հեղուկացված ածխաջրածնային գազերին ներկայացվող պահանջների ստուգման» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման արդյունքում պարզվել է, որ 10.02.2021 թվականից մինչև 20.04.2021 թվականը՝ թվով 1 բաշխիչ աշտարակ 2 ճկափողերով շահագործվել են առանց ստուգաչափման:

Փաստացի խախտվել է «Չափումների միասնականության ապահովման մասին» ՀՀ օրենքի 16-րդ հոդվածի 1-ին մասի պահանջը:

Նշված իրավախախտման համար պատասխանատու է՝

Վահե Կամոյի Նովջատյանը

իրավախախտողի անունը, ազգանունը, պաշտոնը

ք. Երևան Հր. Քոչարի փ. 2.19 բն.22

մշտական բնակավայրը և հասցեն

Իրավախախտում կատարած անձը «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցվել է ՀՀ Շուկայի վերահսկողության տեսչական մարմնում 22.06.2022թ.-ին ժամը 11:00-ին կայանալիք վարչական գործի քննության տեղի, օրվա, ժամանակի մասին, սակայն չի ներկայացել և գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան Վահե Նովջատյանի նկատմամբ վարչական տույժը որպես վարչական պատասխանատվության միջոց կիրառելիս վարչական իրավախախտման վերաբերյալ գործը քննելիս հաշվի են առնվել կատարված

իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները: Արդյունքում պարզվեց, որ նրա արարքում առկա են Վարչական իրավախախտումների վերաբերյալ Հայաստանի Հանրապետության օրենսգրքի 34-րդ հոդվածին համապատասխան վարչական իրավախախտման համար պատասխանատվությունը ծանրացնող հանգամանք:

Իրավախախտում կատարած անձը տևական ժամանակ շարունակել է հակաիրավական վարքագիծը, մասնավորապես այն է, 10.02.2021 թվականից մինչև 20.04.2021 թվականը՝ թվով 1 բաշխիչ աշտարակ 2 ճկափողերով շահագործվել են չստուգաչափված չափման միջոցներով, սակայն համապատասխանության հայտարարագրերի առկայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 279-րդ հոդվածին համապատասխան վարչական իրավախախտման վերաբերյալ գործը քննելիս Տեսչական մարմնի կողմից պարզվեց, որ Վահե Նովջատյանի կողմից կատարվել է վարչական իրավախախտում, նա մեղավոր է այն կատարելու մեջ, հետևաբար ենթակա է վարչական պատասխանատվության, սակայն առկա են պատասխանատվությունը ծանրացնող հանգամանքներ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Վահե Կամոյի Նովջատյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 23-րդ մասով նախատեսված պատասխանատվության միջոցը, սահմանել տուգանք 100 000/մեկ հարյուր հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ** տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Տուգանքը սահմանված ժամկետում վճարելուց հետո բանկային կտրոնի պատճենը անհրաժեշտ է 3 օրվա ընթացքում ներկայացնել տեսչական մարմնին՝ ք. Երևան, Կոմիտասի 49/2 հասցեով:

5. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝



ԱՐԹՈՒՐ ՄԿՐՏՅԱՆ

628/2021